

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ԱՐԵՎԵԼԱԳԻՏՈՒԹՅԱՆ ՖԱԿՈՒԼՏԵՏ

ԱՐԵՎԵԼԱԳԻՏՈՒԹՅԱՆ ՀԱՐՑԵՐ
ВОПРОСЫ ВОСТОКОВЕДЕНИЯ
JOURNAL OF ORIENTAL STUDIES

№ 21

ԵՐԵՎԱՆ
ԵՊՀ ՀՐԱՏԱՐԱԿԶՈՒԹՅՈՒՆ
2022

**Հրատարակվում է Երևանի պետական համալսարանի
արևելագիտության ֆակուլտետի
գիտական խորհրդի որոշմամբ**

Խմբագրական խորհուրդ՝

Մելքոնյան Ռուբեն պ.գ.դ., պրոֆեսոր (խմբագիր)

Մելիքյան Գուրգեն բ.գ.թ., պրոֆեսոր

Խառատյան Ալբերտ պ.գ.դ., պրոֆեսոր, ՀՀ ԳԱԱ թղթակից-անդամ

Սաֆրաստյան Ռուբեն պ.գ.դ., պրոֆեսոր, ՀՀ ԳԱԱ ակադեմիկոս

Հովհաննիսյան Լավրենտի բ.գ.դ., պրոֆեսոր, ՀՀ ԳԱԱ թղթ.-անդամ

Հովհաննիսյան Դավիթ բ.գ.թ., պրոֆեսոր

Սաֆարյան Ալեքսանդր պ.գ.թ., պրոֆեսոր

Ոսկանյան Վարդան բ.գ.թ., դոցենտ

Քոչարյան Հայկ պ.գ.թ., դոցենտ

Սարգսյան Լևոն պ.գ.դ., պրոֆեսոր

Կարապետյան Ռուբեն պ.գ.դ.

Տեր-Մաթևոսյան Վահրամ պ.գ.դ.

Րեպենկովա Մարիա բ.գ.դ., պրոֆեսոր (Ռուսաստան)

Կուզնեցով Վասիլի պ.գ.թ., դոցենտ (Ռուսաստան)

Էքմեքչյան Լեոնա PhD (ԱՄՆ)

Իլյա Յակուբովիչ բ.գ.դ., պրոֆեսոր (Գերմանիա)

Ահմադջան Ղուրոնբեկով բ.գ.դ., պրոֆեսոր (Ուզբեկստան)

ԲՈՎԱՆԴԱԿՈՒԹՅՈՒՆ

Արաբագիտություն

Գոռ Գևորգյան

ԵԳԻՊՏՈՍԻ ԴԻՐՔՈՐՈՇՈՒՄԸ ՍԻՐԻԱԿԱՆ ՃԳՆԱԺԱՄԻ
ՆԿԱՏԱՍԱՐ. ԱԲԴԵԼ ՖԱԹԹԱԿ ԱԼ-ՍԻՍԻԻ
ՆԱԽԱԳԱՀՈՒԹՅԱՆ ՇՐՋԱՆ (2013-2019).....7-17

Արամ Գասպարյան

ԱԼԺԻՐԻ ԲԵՐԲԵՐՆԵՐԻ ԱԶԳԱՅԻՆ ԻՆՔՆՈՒԹՅԱՆ
ՊԱՀՊԱՆՄԱՆՆ ՈՒՂՂՎԱԾ ՇԱՐԺՈՒՄԸ (1962-1999 թթ.).....18-30

Տարթևիկ Մկրտչյան, Միքայել Հովհաննիսյան

ԼԵՌՆԱՅԻՆ ՂԱՐԱԲԱԴԻ ՀԱԿԱՄԱՐՏՈՒԹՅԱՆ
ԼՈՒՍԱԲԱՆՈՒՄԸ ԱՐԱԲԱԼԵԶՈՒ ՏԵՂԵԿԱՏՎԱԿԱՆ
ԿԱՅՔԵՐՈՒՄ ՊԱՏԵՐԱԶՄԱԿԱՆ ՓՈՒԼԵՐՈՒՄ
(2016, 2020 թթ.). ԴԻՍԿՈՒՐՍՆԵՐԻ ՎԵՐՀԱՆՈՒՄ.....31-49

Արմինե Հակոբյան

ԱՐՈՒ ԲԱԿՐ ԱՍ-ՍՈՒԼԻԻ «ԱԽԱԲԱՐ ԱԼ-ՇՈՒԱՐԱ»
ԱՇԽԱՏՈՒԹՅԱՆ ԿՈՄՊՈԶԻՑԻԱՆ ԵՎ ՀԵՂԻՆԱԿԱՅԻՆ
ԿՈՆՑԵՊՏԸ.....50-65

Մոհամմեդ Հաջ Իբրահիմ

ԱՇԽԱՋՐԱԾՆԱՅԻՆ ՊԱՇԱՐՆԵՐԻ ԴԵՐԸ ՍԻՐԻԱԿԱՆ
ՀԱՄԱԿԱՄԱՐՏՈՒԹՅԱՆ ՀԱՄԱՏԵՔՍՈՒՄ.....66-78

Խադիջե Ահմադ Մեհրաբի

ՆԱԽԴԻՐՆԵՐԻ ՓՈԽԱՐԻՆՄԱՆ ԽՆԴԻՐԸ
ՂՈՒՐԱՆԻ ՏԵՔՍՈՒՄ.....79-86

Իրանագիտություն

Անուշ Ստամբոյցյան

ԻՄԱՍ ԽՈՍԵՅՆՈՒ «ՎԵԼԱՅԱԹ-Ե ՖԱԴԻՀ»
ՀԱՅԵՑԱԿԱՐԳԻ ԿՐՈՆԱԿԱՆ,
ՊԱՏՄԱԿԱՆ ԵՎ ՔԱՂԱՔԱԿԱՆ ՀԻՄՔԵՐԸ.....87-97

Ալեն Հայրասյետյանց

ՆՈՐԱԳՅՈՒՏ DNF ԱՐՋԱՆԱԳՐՈՒԹՅԱՆ ԽՈՐՀՐԴԱՎՈՐ
ԲԱՅԱԶԵՎԻ ՄԵԿՆՈՒԹՅՈՒՆԸ՝ «ՕՐՀՆՈՒԹՅՈՒՆ»,
ԹԵ՛ ԽՈՐՀՈՒՐԴ».....98-110

Նունիկ Դարբինյան

ԻՐԱՆԱԿԱՆ ԲԱՆԱՀՅՈՒՄՈՒԹՅԱՆ ՄԵՁ ԵՎ ՀԵՔԻԱԹՆԵՐՈՒՄ
ՀԱՆԴԻՊՈՂ ՄԻ ՇԱՐՔ ԱՐԱՐԱԾՆԵՐԻ ՇՈՒՐՁ.....111-133

Տիգրան Չանդոյան

ՔՐԴԱԿԱՆ ԱԶԳԱՅՆԱԿԱՆՈՒԹՅԱՆ ԷԹՆՈԿ-
ԱՇԽԱՐՀԱԳՐԱԿԱՆ ՍԱՀՄԱՆՆԵՐԸ ԹՈՒՐԹԻԱՅԻ
ՀԱՆՐԱՊԵՏՈՒԹՅԱՆ ՏԱՐԱԾՔՈՒՄ.....134-144

Թյուրքագիտություն

Կուրադայ Ուրազանևա, Վերունիկյա Ռազունովսկայա, Ալեքսանդր Մաֆայրյան
ԳԵՂԱՐՎԵՍՏԱԿԱՆ ԹԱՐԳՄԱՆՈՒԹՅՈՒՆԸ՝ ՍՈՑԻԱԼԱԿԱՆ
ՓՈԽԱԿԵՐՊՈՒԹՅՈՒՆՆԵՐԻ ՊԱՅՄԱՆՆԵՐՈՒՄ ՄՇԱԿՈՒ-
ԹԱՅԻՆ ՏՐԱՆՍՄԻՍԻԱՅԻ ՁԵՎ: ՂԱԶԱԽԱԿԱՆ ԳՐԱԿԱՆՈՒ-
ԹՅԱՆ՝ ՀԱՅԵՐԵՆ ԹԱՐԳՄԱՆՈՒԹՅՈՒՆՆԵՐԻ ՄԱՍԻՆ145-166

Արշակ Գևորգյան

ՍՏՎԵՐԱՅԻՆ ԿԱՌԱՎԱՐՄԱՆ ՀԻՔՐԻԴԱՅԻՆ ՑԱՆՑԱՅԻՆ
ՀԱՄԱԿԱՐԳԵՐԻ ՊԱՐԱՔԱՂԱՔԱԿԱՆ ԸՆԿԱԼՈՒՄԸ.
ԹՈՒՐԹԱԿԱՆ ԽՈՐՔԱՅԻՆ ՊԵՏՈՒԹՅՈՒՆ.....167-186

Մարգարիտա Կրտիկաշյան

ՏԻԳՐԱՆ ՉՈՒԽԱՉՑԱՆԻ ԴԵՐԸ ԹՈՒՐԹԱԿԱՆ
ԵՐԱՇՇՏԱԿԱՆ ԱՍՊԱՐԵԶՈՒՄ.....187-200

*Սամվել Ռամազյան **

ԵՎՐՈՊԱՅՈՒԲ (ՖՐԱՆԿԻ) ԿԵՐՊԱՐԸ ՀԱՅԿԱԿԱՆ ԵՎ
ԹՅՈՒՐԹԱԿԱՆ ԷՊՈՍՆԵՐՈՒՄ.....201-223

Անի Ոսկանյան

ԱԴԱՆԱՅԻ ՆԱՀԱՆԳԻ ՉՈՐՔ-ՄԱՐԶՊԱՆ ԳԱՎԱՌԱԿԻ
ՏՆՏԵՍԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐԻ ՇՈՒՐՁ.....224-238

Ռուսլան Յականյան

ԱՍՈՐԵՍՏԱՆԻ ՊԱՏՄՈՒԹՅԱՆ ԺԱՄԱՆԱԿԱԳՐԱԿԱՆ
ԽՆԴԻՐՆԵՐԸ (ԳԵՐԵՐԿԱՐ, ԵՐԿԱՐ, ՄԻՋԻՆ,
ԿԱՐՃ ԵՎ ԳԵՐԿԱՐՃ ԹՎԱԳՐՈՒՄՆԵՐ).....239-247

Հովհաննես Խորիկյան

ԿԱՊԱՐՈՎԿԻԱՅԻ ՏԱՐԱԾՔԸ ԵՎ ՍԱՀՄԱՆՆԵՐՆ
ԱՔԵՄԵՆՅԱՆ ՊԱՐՍԿԱՍՏԱՆԻ ԿԱԶՄՈՒՄ.....248-261

CONTENT

Arabic Studies

Gor Gevorgyan

EGYPT'S POSITION ON THE SYRIAN CRISIS: DURING THE
PRESIDENCY OF ABDEL FATTAH AL-SISI.....7-17

Aram Gasparyan

ALGERIAN BERBERS MOVEMENT FOR THE PRESERVATION OF
NATIONAL IDENTITY (1962-1999).....18-30

Tatevik Mkrtchyan, Mikayel Hovhannisyan

COVERAGE OF THE NAGORNO-KARABAKH CONFLICT IN
ARABIC-LANGUAGE MEDIA DURING BOTH WAR
PERIODS (2016, 2020): DISCOURSE ANALYSIS.....31-49

Armine Hakobyan

COMPOSITION AND AUTHOR FUNCTION OF ABU BAKR
AS-SULI'S "AKHBAR AL-SHU'ARA".....50-65

Mohammed Haj Ibrahim

THE ROLE OF HYDROCARBON RESOURCES IN
THE CONTEXT OF THE SYRIAN CONFLICT.....66-78

Khadije Ahmad Mehrabi

THE PROBLEM OF ALTERNATION OF PARTICLES
IN THE TEXT OF THE QUR'AN.....79-86

Iranian Studies

Anush Stamboltsyan

THE RELIGIOUS, HISTORICAL AND POLITICAL
PRINCIPLES OF IMAM KHOMEINI'S "VELAYAT-E FAQIH"
DOCTRINE.....87-97

Alen Hayrapetyanc

THE INTERPRETATION OF THE "MYSTERIOUS" VERB FORM OF
THE RECENTLY DISCOVERED DNF INSCRIPTION:
"BLESSING OR ADVICE?".....98-110

Noonik Darbinian
SOME CREATURES FOUND IN IRANIAN FAIRY
TALES AND FOLKLORE..... 111-133

Tigran Candoyan
ETHNO-GEOGRAPHIC BOUNDARIES OF KURDISH
NATIONALISM IN THE TERRITORY OF
THE REPUBLIC OF TURKEY..... 134-144

TurkicStudies

Urazaeva K.B., Razumovskaya V.A., Safaryan A.V
LITERARY TRANSLATION AS A TYPE OF CULTURAL
TRANSMISSION IN SOCIAL TRANSFORMATIONS
CONTEXT. ABOUT KAZAKH LITERATURE
TRANSLATIONS INTO ARMENIAN..... 145-166

Arshak Gevorgyan
THE PARAPOLITICAL PERCEPTION OF THE HYBRID
NETWORK STRUCTURES OF SHADOW GOVERNANCE:
THE TURKISH DEEP STATE..... 167-186

Margarita Krtikashyan
THE ROLE OF TIGRAN CHUKHAJIAN IN
THE TURKISH MUSIC SCENE..... 187-200

Samvel Ramazyan
THE PERSONAGE OF EUROPEAN (FRANK)
IN ARMENIAN AND TURKIC EPICS..... 201-223

Ani Voskanyan
ABOUT THE PECULIARITIES OF ECONOMIC LIFE IN
THE CHORK-MARZPAN SUB-DISTRICT,
ADANA PROVINCE..... 224-238

Ruslan Tsakanyan
CHRONOLOGICAL PROBLEMS OF ASSYRIAN HISTORY
(EXTRA-LONG, LONG, MIDDLE, LOW,
ULTRA-LOW DATES)..... 239-247

Hovhannes Khorikyan
THE TERRITORY AND BOUNDARIES OF CAPPADOCIA
IN ACHAEMENID PERSIA..... 248-261

ԱԼԺԻՐԻ ԲԵՐԲԵՐՆԵՐԻ ԱԶԳԱՅԻՆ ԻՆՔՆՈՒԹՅԱՆ
ՊԱՀՊԱՆՄԱՆՆ ՈՒՂՂՎԱԾ ՇԱՐԺՈՒՄԸ (1962-1999 թթ.)

Բանալի բառեր՝ Ալժիր, բերբերներ, ազգային ինքնություն, շարժում, պայքար, իսլամիստներ, ճգնաժամ:

Ալժիրի անկախության նվաճումը² հնարավորություն ընձեռեց բերբերներին³ արդարացի լուծում պահանջել տարիներ շարունակ անտեսված և կուտակված խնդիրների համար: Լինելով Ալժիրի ամենամեծաթիվ էթնիկ խումբը⁴, որն ուներ իր առանձին լեզուն, մշակույթն ու սովորույթները, բերբերները պահանջում էին պատշաճ վերաբերմունք ցուցաբերել և ճանաչել իրենց ազգային իրավունքները: Բերբերների ինքնության շարժումը, երկրում տեղի ունեցող քաղաքական զարգացումներին զուգահեռ ևս ենթարկվում էր փոփոխությունների: Նորանկախ պետության մեջ բազմաթիվ սոցիալական, տնտեսական խնդիրների առկայությունը և իշխանությունների անկարողությունը զգալի հետևանքներ

¹ Պատմական գիտությունների թեկնածու, ՀՀ ԳԱԱ արևելագիտության ինստիտուտ, արաբական երկրների բաժին, առաջատար գիտաշխատող: Էլ. փոստ mmcsar@gmail.com

² Ալժիրն անկախացավ 1962 թ.

³ Գիտնականների մեծ մասը լատիներեն «բարբարոս» («barbarus») անվան հետ են կապում հյուսիսաֆրիկյան այս էթնոսի անվանումը՝ բերբերներ: Ի դեպ բերբերները չեն ընդունում այդ անվանումը. Իրենք իրենց անվանում են ամազիգներ (ազատ մարդիկ)

⁴ Բերբերների ընդհանուր թիվը ներկայումս կազմում է մոտ 20 միլիոն մարդ, իսկ նրանց բնակության ամենակոմպակտ վայրերը Մադրիբի երկրներն են: Բերբերների մեծ մասն ապրում է Մարոկկոյում՝ մոտ 8 միլիոն, Ալժիրում՝ ավելի քան 2 միլիոն, Լիբիայում՝ ավելի քան 300 հազար, Թունիսում՝ ավելի քան 100 հազար, իսկ Մավրիտանիայում՝ մի քանի տասնյակ հազար: Շուրջ 1,2 միլիոն բերբեր ապրում է Ֆրանսիայում: Сапронова М., Проблема политизации этнического фактора в современном Алжире, Национализм и фундаментализм на Ближнем Востоке, материалы конференции, М., Типография ГИЦ РФ «НИОПИК», 1999, ст. 91-92.

ունեցան երկրի ներքին կայունության վրա: Մոցիալ-տնտեսական ծանր վիճակը հանգեցրեց քաղաքական ճգնաժամի և զինված հակամարտության ընդդիմադիրների և իշխանության միջև, ինչն անմիջական ազդեցություն ունեցավ նաև բերբերների վրա, որոնք ևս ներքաշվեցին այդ հակամարտության մեջ: Քաղաքացիական ճգնաժամի տարիները, փաստորեն, հենց այն ժամանակնակահատվածն է, երբ ձևավորվեցին բերբերների հիմնական պահանջները:

Արաբների կողմից Հյուսիսային Աֆրիկայի գրավումից հետո սկսվեց բերբերների ձուլումն իսլամի, արաբերենի, արաբական մշակույթի տարածման և ներդրման, ինչպես նաև նրանց տեղահանման և առավել մեկուսացված վայրերում վերաբնակեցման միջոցով:⁵ Ի հետևանք՝ բերբերները իսլամականացվեցին և որոշ չափով արաբացան, այսուհանդերձ, բերբերներին հաջողվեց պահպանել ոչ միայն իրենց լեզուն, այլ նաև մշակույթն ու սովորույթները:

Բերբերների քաղաքական պայքարի սկիզբը

Ալժիրի անկախության ձեռքբերումից հետո երկրի նոր ղեկավարները՝ ի դեմս «Ազգային ազատագրական ճակատի»⁶ (ԱԱՃ), կանգնեցին բազմաթիվ ներքին և արտաքին, այդ թվում նաև բերբերական խնդրի առջև: ԱԱՃ-ի համար առավել անհանգստացնող էր հենց բերբերների հարցը, քանի որ վերջիններիս համոզմամբ բերբերական գործոնը կարող էր երկրի պառակտման պատճառ հանդիսանալ:

⁵ Бабкин С., О Положении во всемирном конгрессе амазиг, Ближний Восток и современность. Сборник статей М., 2001, Типография ЗАО «АСТИ», стр. 31.

⁶ «Ազգային ազատագրական ճակատը» ստեղծվել է 1954 թվականի նոյեմբերի 1-ին մի քանի փոքր քաղաքական խմբերի միաձուլման արդյունքում՝ որպես համազգային կազմակերպություն, որը գլխավորում էր Ալժիրի զինված պայքարը անկախության համար:

Անհրաժեշտ է նշել, որ բերբերները մեծ ներդրում են ունեցել ազատագրական պատերազմի ընթացքում (1954-1962 թթ.):⁷ Բերբերների բնակության հիմնական շրջաններ Կաբիլիայում և Արեսի լեռներում էին տեղի ունենում ամենաթեժ մարտերը ֆրանսիական գորքերի և ալժիրցի պարտիզանների միջև, որոնց մեծամասնությունը բերբերներ էին: Բացի այդ մի շարք հեղինակավոր բերբեր գործիչներ կարևոր դեր են խաղացել ԱԱՃ-ի վերջնական հաղթանակի գործում:⁸

Բերբերներն արդարացիորեն ակնկալում էին, որ անկախության նվաճումից հետո նոր իշխանությունները կճանաչեն իրենց իրավունքները: Հատկանշական է, որ սկզբնական շրջանում բերբեր մտավորականները լայնորեն ներգրավված էին պետական և կրթական համակարգում: Սակայն Ալժիրի իշխանությունների՝ արաբական այլ երկրների հետ մերձեցմանը և արաբականացման գաղափարախոսության տարածմանը զուգահեռ սկսեցին անտեսվել նաև բերբերների խնդիրները:⁹ Այս առումով առավել ուշագրավ է Ալժիրի առաջին նախագահ Ահմեդ Բեն Բեւլլաի¹⁰ դիրքորոշումը: Վերջինս, իր

⁷ Մանրամասն տես՝ Ruedy J., *Modern Algeria: The Origins and Development of a Nation*, Second Edition, Bloomington, Indiana University Press, 2005, p. 156-195.

⁸ Миронова Е., *Алжир: Проблема берберского меньшинства, Ближний Восток и современность. Сборник статей (выпуск шестнадцатый)*, М., 2002, ст. 318.

⁹ Ալժիրի գաղութային ժամանակաշրջանում Ֆրանսիան հավատարիմ մնալով իր քաղաքականությանը, նպատակահարմար էր համարում Ալժիրի բերբերներին հեռացնել արաբ բնակչությունից՝ ստեղծելով անջրպետ երկու ժողովուրդների միջև: Այդ նպատակով 20-րդ դարի 20-ական թթ. Ալժիրում հիմնվեցին ֆրանսաբերբերյան դպրոցներ՝ ի հակադրումն արաբախալամական կրթությանը: Ֆրանսիական կրթությունը և արտագաղթը Ֆրանսիա հնրավորություն ընձեռեց բերբերներին ստանալ ժամանակակից կրթություն, ինչը վերջիններին, փաստորեն, դարձրել էր ամենակրթված սոցիալական խավը: Сапронова М., նշվ. Աշխ., էջ 95:

¹⁰ Ալժիրի նախագահ է եղել 1963-1965 թթ.:

ելույթներից մեկում դիմելով ավժիրցիներին՝ հայտարարեց, - «Մենք բոլորս արաբ ենք», - ասաց նա, - «Եվ դա այդպես պետք է լինի»:¹¹

Երկիրը հնարավոր ներքին ցնցումներից ապահովելու նպատակով «Ազգային ազատագրական ճակատը» առաջ քաշեց ազգային միավորման գաղափարը, ինչը, փաստորեն, ենթադրում էր երկրի ամբողջական արաբացում՝ անտեսելով գոյություն ունեցող այլ էթնիկ խմբերի իրավունքները. գաղափարախոսություն, որը **պարտադրում էր** մեկ ժողովրդի ձևավորում: Հարկ ենք համարում նշել, որ այս քաղաքականությունը որոշակի չափով արդարացված էր, քանի որ Ֆրանսիայի երկարամյա գաղութային քաղաքականության և ֆրանսերենի, ինչպես նաև ֆրանսիական մշակույթի ներդրման հետևանքով Ալժիրում այդպես էլ վերջնական ձևավորում չէր ստացել միասնական ազգի գաղափարը:

ԱԱՃ-ի ազգային միասնության գաղափարախոսությունը դժգոհություն առաջացրեց բերբեր քաղաքական գործիչների մոտ, որոնք կտրականապես դեմ արտահայտվեցին նման քաղաքականությանը: Բերբեր գործիչների դիրքորոշումն ԱԱՃ-ի կողմից ընկալեց որպես հակապետական և պառակտիչ: Երկրի իշխանությունները, չցանկանալով գնալ որևէ փոխզիջման, ճնշումների ենթարկեցին բերբեր ակտիվիստներին և ձերբակալեցին նրանց ղեկավարներին՝ սկիզբ դնելով անհանդուրժողականության գործընթացին և ուժի դիրքից քաղաքականությանը:

Այս համատեքստում տեղին է մեջբերել Ֆարես Ուալիդի¹² գրքում տեղ գտած Վաշինգտոնում կաբիլների ներկայացուցիչ Ալեքս Մեդունիի հետևյալ խոսքերը. «Ազգային Ազատագրական

¹¹ Fisk R., Robert Fisk on Algeria 1992-2013: Two Decades of Reportage on a Tragic Conflict That the West Can No Longer Afford to Ignore. Create Space Independent Publishing Platform, 2014, p. 188

¹² Լիբանանյան ծագումով ամերիկյան քաղաքական գործիչ, իրավաբան:

Ճակատի» կողմից արաբերենի և արաբական մշակույթի տարածումը կաբիլների շրջանում ազգային փոքրամասնությունների կողմից ընկալվում է որպես էթնիկ գտում: Կաբիլներն անկախության առաջին օրերից արդեն երեք տասնամյակ է, ինչ մշտական ճնշման են ենթարկվում առաջին հերթին պանարաբականների և Ալժիրի սոցիալիստական վերնախավի կողմից: Երբ «սառը պատերազմից» հետո ռազմական ռեժիմը փոխարինվեց այլ արաբ ազգայնականներով, ինչպես նաև իսլամիստ-սալաֆիներով, ճնշումները շարունակվեցին: Կաբիլները ֆրանսիացիների հեռանալուց հետո ազատ շունչ քաշելու ոչ մի հնարավորություն չունեցան, չնայած այն հանգամանքին, որ ազատագրական պատերազմի ժամանակ նրանք առաջին շարքերում էին»:¹³

Այսպիսով, Ալժիրում առաջ եկավ մի խնդիր, որը մինչև օրս ամբողջական լուծում չի ստացել:

«Բերբերական գարուն»

Ալժիրի նորագույն պատմության մեջ բերբերների առաջին քաղաքական հակակառավարական բողոքը կարելի է համարել 1980 թ. մարտ-ապրիլ ամիսների իրադարձությունները, ինչն առավել հայտնի է որպես «Բերբերական գարուն»:

«Բերբերական գարունը» սկիզբ առավ ուսանողների բողոքի ելույթներից, որոնք դժգոհության ձայն բարձրացրին կենտրոնական իշխանությունների կողմից հայտնի կաբիլ բանաստեղծ Մուլուդ Մամերի դասախոսության չեղարկման պատճառով: Կարճ ժամանակում Տիզի Ուզույում¹⁴ սկսված

¹³ Phares W., The Coming Revolution: Struggle for Freedom in the Middle East, New York, Threshold Editions, 2010, p. 305.

¹⁴ Կղաբիլիայի շրջկենտրոն:

ուսանողական ըմբոստություն վերածվեց գանգվածային գործադուլի և հակակառավարական ելույթների ողջ Կարիվայում:¹⁵

Բերբերները իշխանությունների այս քայլը որակեցին որպես արաբացման դրսևորում և իրենց՝ ազգային մշակույթի սահմանափակման հերթական փորձ՝ պահանջելով հարգել բերբերների մշակույթը և պաշտոնապես ճանաչել բերբերները (թամազիգ): Սակայն կենտրոնական իշխանությունները ոչ միայն անտեսեցին բերբերների պահանջները, այլև դիմեցին ուժի: Ապրիլի 20-ին ոստիկանությունը հատուկ գործողություն իրականացրեց գործադուլ հայտարարած հիմնարկներում հավաքված ցուցարարների դեմ: Ըստ տեղեկությունների՝ բերբերների և ոստիկանության բախումների հետևանքով զոհվեց 30-50 և վիրավորվեց՝ շուրջ 100 մարդ:¹⁶ Սակայն Բ. Վեյթսմանի պնդմամբ «գոյություն չունի որևէ փաստ, որևէ զոհի վերաբերյալ»:¹⁷ Այսուհանդերձ, իշխանությունները գործադուլները ճնշելուց հետո արգելեցին ցանկացած մշակութային միջոցառում և ձերբակալեցին 24 մարդու¹⁸:

Ալժիրի անկախության ձեռքբերումից հետո այս շարժումն առաջին էր, որը դեմ դուրս եկավ «Ազգային ազատագրական ճակատին» և նրա գլխավորած կառավարությանը: «Բերբերական գարունը», իրավամբ, ամենակարևոր իրադարձություններից էր բերբերների շարժման ձևավորման գործում: Հենց այս ժամանակ առաջին անգամ բարձրաձայնվեց թամազիգին պաշտոնական լեզվի կարգավիճակ տալու պահանջը:

¹⁵ Weitzman B., *Amazigh Politics in the Wake of the Arab Spring*: University of Texas Press, Austin 2022, p. 25.

¹⁶ Weitzman B., *The Berber Identity Movement and the Challenge to North African States*, University of Texas Press, Austin, 2011, p 80.

¹⁷ Weitzman B., *The Berber Identity Movement*, նշվ.աշխ., էջ 80:

¹⁸ Taieb S., *Decolonizing Indigenous: Education An Amazigh/Berber Ethnographic Journey*, Palgrave Macmillan publisher, New York, 2014, p. 22.

«Բերբերական գարունը» խթանեց Կաբիլիայում «Բերբերական մշակութային շարժում» (ԲՄՇ) ընդհատակյա կազմակերպության հիմնումը, որի գլխավոր նպատակը բերբերների ինքնության և լեզվի ճանաչումն էր: Ժամանակի ընթացքում ԲՄՇ-ն լայն տարածում գտավ ոչ միայն Կաբիլիայի շրջանում, այլ նաև Ալժիրի այլ բերբերաբնակ վայրերում: Այն կարևոր դեր խաղաց ոչ միայն բերբերների պահանջների տարածման գործում, այլև հիմք հանդիսացավ ավելի ուշ ստեղծված կուսակցությունների համար¹⁹:

Բերբերները «Ալժիրյան ճգնաժամի» տարիներին

1980-ական թթ. Ալժիրը հայտնվեց տնտեսական ճգնաժամի մեջ: Կառավարության տնտեսական քաղաքականությունը հանգեցրեց գների, գործազրկության կտրուկ աճի և ազգաբնակչության ընդհանուր կենսամակարդակի նվազման, ինչն առավել ուժեղ հարվածեց Ալժիրի անապահով խավերին: Այս ամենը, ինչպես նաև իշխանությունների անգործությունը բացասական ազդեցություն ունեցան ԱԱՃ-ի հեղինակության վրա, հանգեցրին ընդդիմադիր շարժման ակտիվացմանը և երկրում իսլամական գաղափարախոսությունների տարածմանը: Ալժիրում սկսվեցին հակակառավարական բողոքի ելույթներ, որոնք իրենց գագաթնակետին հասան 1988 թ. Ալժիրում տեղի ունեցած ժողովրդական ընդվզման ժամանակ:²⁰ Երկիրը հայտնվեց քաղաքական ճգնաժամի առջև, ինչն էլ պարտադրեց իշխանություններին գնալ զիջումների:

¹⁹ Liverani A, *Civil Society in Algeria, The Political Functions of Associational Life*, New York, 2008, p. 17.

²⁰ Mac Queen B., *Political Culture and Conflict Resolution in the Arab World, Lebanon and Algeria*, Melbourne University Press, 2009, p. 94.

1989 թվականին ընդունված նոր Սահմանադրությունը²¹ ճանապարհ հարթեց բազմակուսակցական համակարգի համար, անմիջապես առաջացան երկու բերբերական կուսակցություններ: 1989 թ. Սաիդ Սաիդիի կողմից «Բերբերական մշակութային շարժում» կազմակերպության հիմքի վրա ստեղծվեց «Միավորում մշակույթի և ժողովրդավարության համար» (ՄՄԺ) կուսակցությունը: Այն հիմնադրվեց որպես ընդդիմադիր բերբերական կուսակցություն, որի հիմնական նպատակը բերբերենի և բերբերական մշակույթի ճանաչումն էր, ինչպես նաև մարդու իրավունքների և ժողովրդավարության պաշտպանությունը:²²

Ալժիրի բերբերների շահերը պաշտպանող երկրորդ կուսակցությունը «Սոցիալական ուժերի ճակատը» (ՍՈԻՃ) որն ստեղծվել էր դեռևս 1963 թ. Հուսին Այյո Ահմեդի և Սոհանդ Ուլ Լհաջի կողմից՝ բերբերների քաղաքական և քաղաքացիական շահերը պաշտպանելու համար դուրս եկավ ընդհատակից 1989 թ.: ՍՈԻՃ-ի ծրագային կետերում կարևոր տեղ էր հատկացվում բերբերաբնակ շրջանների ինքնավարության ընդլայնմանը և պետական համակարգում բերբերների ներգրավմանը:²³

Ժողովրդավարական համակարգի ներդրումը որոշակիորեն փոխեց նաև բերբերների կարգավիճակը: Տիզի Ուզույում սկսեց գործել Բերբերների հետազոտությունների ինստիտուտը, նախագահին կից հիմնվեց ամազիգների խնդիրներով զբաղվող հատուկ ներկայացուցչություն: Բացի այդ, բերբերներով բնակեցված շրջանների որոշ դպրոցներում սկսեցին դասավանդել

²¹ Willis M., *Politics and Power in the Maghreb: Algeria, Tunisia and Morocco from Independence to the Arab Spring*, Oxford University Press, 2014, p. 101.

²² Ilahiane H., *Historical dictionary of the Berbers (Imazighen)*, (Historical dictionaries of peoples and cultures; no.5), Maryland, Scarecrow Press, Inc., 2006, p. 103-104.

²³ 1997 թ. տեղի ունեցած առաջին բազմակուսակցական ընտրություններում «Սոցիալական ուժերի ճակատը» խորհրդարանում զբաղեցրեց 20 տեղ՝ 380-ից: Նույն տեղում էջ 40:

թամազիգով, ալժիրյան հեռուստաընկերությունում հայտնվեցին թամազիգով լուրեր, ակտիվ գործունեություն սկսեցին ծավալել բազմաթիվ բերբեր սոցիալ-մշակութային կազմակերպություններ²⁴:

Սակայն վերոնշյալ ժամանակաշրջանը կարճ տևեց: 1992 թ. Ալժիրը կանգնեց նոր մարտահրավերների առջև: Երկրում սկսված զինված հակամարտությունը «Իսլամական փրկության ճակատի»²⁵ (ԻՓՃ) և իշխանությունների միջև անմասն չթողեց նաև բերբերներին: Թիրախավորելով բերբերների ամենակարկառուն ներկայացուցիչներին՝ իսլամիստ գրոհայինները 1993 թ. սպանեցին կաբիլիացի՝ բերբերների իրավունքների պաշտպան, գրող-հրապարակախոս Թահար Ջաուրին²⁶: Կաբիլիայում դրությունը սրվեց 1994 թ., երբ ծայրահեղական «Իսլամական բանակ խմբավորումը» (ԻԲԽ) առևանգեց բերբեր հայտնի և սիրված ժողովրդական երգիչ Մատուբ Լունեսին²⁷: Հարյուր հազարավոր կաբիլներ դուրս եկան Տիզի Ուզույի փողոցներ՝ պահանջելով անմիջապես ազատ արձակել երգչին՝ սպառնալով «la guerre total»²⁸ սկսել, եթե նրան վնասեն: Տեղի տալով բերբերների սպառնալիքներին՝ ԻԲԽ-ն ազատ արձակեց Մատուբ Լունեսին:²⁹ Այսուհանդերձ, իսլամիստ ծայրահեղականները չհրաժարվեցին իրենց ծրագրերից: Մի քանի տարի անց՝ 1998 թ., նրանք ի վերջո

²⁴ Сергеев М., Берберы Северной Африки: прошлое и настоящее, М, Типография ЗАО «Асти-Издат», 2003, ст. 62.

²⁵ Իսլամական Փրկության ճակատը հիմնադրվել է 1989 թ.: Игнатенко А., Ислам и политика: Институт религии и политики, Москва, 2004. ст 68.

²⁶ Le Sueur J., Algeria since 1989: Between terror and democracy, Fernwood Publishing Ltd, Canada 2010.

²⁷ Հանրահանաչ երգիչը մեծ համբավ է վայելում ոչ միայն բեմում իր ելույթներով, որոնք գրավում էին հազարավոր մարդկանց, այլ նաև իր ակտիվ քաղաքական պայքարով ալժիրի բերբերների ազգային և մշակութային իրավունքների համար: Նրա երազանքը Ալժիրում դաշնային պետության ստեղծումն էր, որտեղ Կոբաբիլիան կունենա լայն մշակութային և քաղաքական ինքնավարություն:

²⁸ Թարգմանաբար՝ համընդհանուր պատերազմ:

²⁹ Weitzman B, The Berber Identity Movement, նշվ.աշխ., էջ 111:

սպանեցին Մատուր Լունեսին, ինչից հետո Կաբիլիայում լարվածությունը հասավ գագաթնակետին:

Տիզի Ուզույում տեղի ունեցան աննախադեպ հուժկու բողոքի ցույցեր ու խռովություններ, որոնք շատ կարճ ժամանակահատվածում տարածվեցին ողջ Կաբիլիայում: Չնայած այն հանգամանքին, որ Մատուր Լունեսին սպանել էին իսլամիստները, Կաբիլիայի բեչբերներն իրենց ողջ զայրույթն ուղղեցին պետական կառույցների դեմ³⁰ մեղադրելով կառավարությանը մարդասպանների հետ համագործակցության մեջ: Ի հետևանք՝ Կաբիլիան այս ժամանակաշրջանում վերածվեց պայքարի յուրահատուկ կենտրոնի: Բերբերները մի կողմից պայքարում էին իրենց ազգային և մշակութային իրավունքների համար, իսկ մյուս կողմից՝ արմատական իսլամիստների դեմ:

Բերբերների և իշխանությունների միջև հակասությունները նոր թափ ստացան 1998 թ. ամռանը, երբ ուժի մեջ մտավ արաբերենի ընդհանուր կիրառման օրենքը, որը նախատեսում էր արաբերենի պարտադիր օգտագործումը ոչ միայն պետական համակարգում, այլև քաղաքական, հանրային կյանքի գրեթե բոլոր ոլորտներում:³¹ Հարկ է նշել, որ օրենքի ընդունումը ծայրահեղ բացասաբար ընկալվեց ոչ միայն տարբեր բերբերական կազմակերպությունների, այլև բերբեր բնակչության կողմից: Տիզի Ուզույում կրկին սկսվեցին զանգվածային ելույթներ, որոնց ընթացքում բերբերները հարձակվեցին պետական հաստատությունների վրա՝ «Ալժիրում չի լինի խաղաղություն առանց բերբերերենի», «արաբական իսլամիզմը ուղիղ ճանապարհ է դեպի դժոխք» կարգախոսների ներքո:³²

³⁰ Volpi F., *Islam and Democracy: The Failure of Dialogue in Algeria*, Pluto Press, London 2003, p. 104.

³¹ Сапронова М., նշվ. աշխ., էջ 99:

³² Նույն տեղում:

Ստեղծված իրադրության պայմաններում՝ բերբերներին հանդարտեցնելու համար կենտրոնական իշխանությունները ստիպված էին գնալ որոշ զիջումների և մի շարք քայլեր ձեռնարկեցին թամազիզի զարգացման համար: Մասնավորապես հայտարարվեց Ալժիրի դպրոցներում բերբերերենի ուսուցման շրջանակների ընդլայնման մասին: Բացի այդ, որոշվեց Ազգային հետազոտությունների ինստիտուտին կից հիմնադրել թամազիզի և բերբերական մշակույթի ուսումնասիրության կենտրոն, ստեղծել բերբերերենի բառարան և այլն:³³

Չնայած իշխանություններն անցկացրին որոշակի քարեփոխումներ, դա դեռևս, ամենևին էլ չէր նշանակում, որ վերջիններս վերանայելու էին երկրի ընդհանուր արաբացման իրենց ծրագիրը: Ավելին, երկրի ղեկավարները չէին պատրաստվում իրականացնել ավելի հիմնարար քարեփոխումներ, ինչպիսին էր, օրինակ, թամազիզի ճանաչումը որպես պաշտոնական լեզու:

Այսպիսով, պետք է արձանագրել, որ Ալժիրի անկախության ձեռքբերումից հետո բերբերների ազգային ինքնության համար սկսված շարժումը՝ չնայած բազմաթիվ խոչընդոտների, ունեցավ իր դրական արդյունքները: 1996 թ. ընդունված սահմանադրության մեջ արաբները, բերբերները և իսլամն անվանվեցին «Ալժիրի ազգային ինքնության» հիմնական բաղադրիչներ³⁴: Պայքարի զարգացմանն ու տարածման գուզընթաց փոփոխության ենթարկվեցին նաև բերբերների առաջ քաշած պահանջները: Եթե անկախության առաջին տարիներին բերբերները սահմանափակվում էին ինքնության ճանաչման պահանջով, ապա արդեն 2000-ական. թթ. սկզբին վերջիններիս կողմից առաջ քաշվեցին առավել արմատական պահանջներ, այդ թվում՝

³³ Сегреев М, նշվ. աշխ., էջ 72:

³⁴ Weitzman B., The Berber Identity Movement նշվ. աշխ., էջ 114:

Կարիլիային ինքնավարություն տրամադրում: Անհրաժեշտ է նշել, որ Ալժիրի բերբերների պայքարի արմատականացումն ու երբեմն նույնիսկ ծայրահեղական դիրքորոշումը, պայմանավորված էր ոչ միայն հենց բերբերների քաղաքական ձգտումներով, այլև իշխանությունների վարած Ալժիրի արաբականացման քաղաքականությամբ: 1989 թ. հետո երկրում իսլամական գաղափարախոսությունների կտրուկ տարածման և ամրապնդման հետևանքով ձևավորված նոր քաղաքական իրավիճակը ևս բացասական ազդեցություն ունեցավ բերբերների վրա: Բերբերները, լինելով աշխարհիկ պետության կողմնակից, բնականաբար, դեմ էին ԻՓՃ-ի գաղափարախոսությանը և երկրի վերածմանը կրոնապետության, ինչը բերբերներին արդեն իսկ դատում էր ծայրահեղ իսլամիստների թշնամիների շարքին: Միննույն ժամանակ մեր կարծիքով բերբերների դեմ իրականացրած ահաբեկչական գործողություններն, ունեին մեկ այլ նպատակ ևս. այն էր՝ անկարգություններ հրահրել բերբերաբնակ վայրերում և այդպիսով շեղել Ալժիրի ղեկավարության Պետք է նշել նաև, որ թե՛ արաբ ազգայնականները, և թե՛ իսլամական քաղաքական գործիչները, ելնելով իրենց քաղաքական համոզմունքներից, չեն ընդունում բերբերների ոչ միայն ինքնորոշման իրավունքը, այլ նաև կտրականապես դեմ են բերբերաբնակ շրջանների ինքնավարությանը և նույնիսկ տեղական ինքնակառավարման մարմինների ստեղծմանը :

ДВИЖЕНИЕ ЗА СОХРАНЕНИЕ НАЦИОНАЛЬНОЙ ИДЕНТИЧНОСТИ АЛЖИРСКИХ БЕРБЕРОВ (1962-1999)

Арам Гаспарян
(Резюме)

Достижение Алжиром независимости предоставило берберам возможность потребовать справедливого решения множества проблем, которые игнорировались и накапливались годами. Будучи

крупнейшей этнической группой в Алжире со своим особым языком, культурой и обычаями, а также национальной и этнической самостоятельностью и особенностью, берберы требовали надлежащего обращения и признания их национальных прав. Борьба берберов за сохранение идентичности претерпевало изменения вместе с политическими событиями, происходящими в стране. Наличие множества геополитических проблем в новом независимом государстве и некомпетентность и бездействия властей имели серьезные последствия для внутренней стабильности страны. Сложная социально-экономическая ситуация привела к политическому кризису и вооруженному конфликту между оппозицией и властью, что оказало непосредственное влияние на берберов, которые поневоле были втянуты в конфликт. Годы гражданского кризиса — это, по сути, период, когда оформились основные требования берберов.

**ALGERIAN BERBERS MOVEMENT FOR THE PRESERVATION
OF NATIONAL IDENTITY (1962-1999)**

Aram Gasparyan
(Summary)

Algeria's independence provided the Berbers with an opportunity to demand a fair solution to a lot of problems that had been ignored and accumulated over the years. As the largest ethnic group in Algeria, with its own language, culture and customs, the Berbers demanded a appropriate treatment and recognition of their national rights. The struggle of the Berbers to preserve their identity has been changing along with the political events taking place in the country. The existence of many social and economic problems in the newly independent state and the incompetence of the authorities had significant consequences on the internal stability of the country. The difficult socio-economic situation led to a political crisis and an armed conflict between the opposition and the government, which had a direct impact on the Berbers, who were also draged into the conflict. The years of the civil crisis are, in fact, the period when the main demands of the Berbers formed.